

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी अज्ज भारत मंडपम च अंतराष्ट्री एयर ट्रांसपोर्ट एसोसिएशन दी सलाना जनरल बैठका च शामिल होडन।
- जम्मू-कश्मीर विधानसभा दे स्पीकर होर अज्ज सदन दिएं बक्ख-बक्ख समितिएं दे कम्मकाज बारै चर्चा करडन।
- मुख्ख सचिव अटल डुल्लु होरें माता क्षीर भवानी हुं'दे मंदर जाइयै खीर भवानी मेले लेई तैयारिएं दी समीक्षा कीती।
- मैहकमा सैलसफा आसेआ अज्ज 2 जून थमां लेइयै औंदी 5 जून तोहड़ी जम्मू च केई सारे सांस्कृतिक ते समुदायिक कार्यक्रमें दा सरिस्ता कीता जा'रदा ऐ।
- आईपीएल क्रिकेट च जंदी रातीं होए दे दुए क्वालीफायर मुकाबले च पंजाब किंग्स नै 5 बारी दी जेतू मुंबई इंडियंस गी हराइयै फाईनल च थाहर बनाई लैती ऐ।

<><><><><><>

PM-IATA

प्रधानमंत्री नरेन्द्र मोदी होर अज्ज नमीं दिल्ली दे भारत मंडपम च अंतराष्ट्रीय वायु परिवहन संघ दी 81मीं सलाना आम बैठक च हिस्सा लेंगन। प्रधानमंत्री बैठक गी संबोधत बी करगंन। कल शुरू होई दी एह बैठक कल सम्पन्न होग। विश्व ब्हाई परिवहन शिखर सम्मेलन, विमानन उद्योग दे सामने पेश होने आले प्रमुख मुद्दें पर ध्यान केन्द्रित करोग। इंदे च एयरलाइन संपर्क, ऊर्जासुरक्षा, सतत विमानन ईंधन उत्पादन, कार्बन डायक्साइड उत्सर्जन घट्ट करने दी कोशश लेई वित्तपोषण ते नवाचार शामिल न। प्रधानमंत्री दफ्तरै दे इक ब्यान च आखेआ गोआ ऐ जे कार्यक्रम दे दरान दुनिया भरै दे नेता विमानन खेत्तर च भारत दी उल्लेखनीय प्रगति ते देश दे सामरिक आर्थिक विकास च योगदानदे गवाह बनगंन।

<><><><><><>

Speaker Meeting

जम्मू कश्मीर विधानसभा दे स्पीकर अब्दुल रहीम राथर होरें हाल च गैगठन कीती गेदिएं 9 सदन समितिएं दे अध्यक्ष दी अज्ज बैठक सददी दी ऐ जेहदा मकसद नियमें मूजब माली ते होरने महत्वपूर्ण कमेटिं दी कारकरदगी दी समीक्षा करना ऐ। इस बैठका च शाम लाल शर्मा, शमीम फिरदोस, अली मोहम्मद सागर, सज्जाद गनी लोन, मोहम्मद यूसुफ तारीगामी, सुरजीत सिंह सलाथिया, निजाम उद्दीन भट्ट, हुसैन मसूदी ते पीरजादा फारूक अहमद शाह हिस्सा लेंगन। इंदे अलावा प्रिंसिपल अकाउंटेंट जनरल ते आम प्रशासनिक विभाग ते मैहकमा कनून दे सचिव सनें सरबंघत होर दुए आला अफसरें दे बी बैठक च शामिल होने दी मेद ऐ, जिनेंगी लाजमी तौरा पर मजदूर रौहने लेई आक्खी दित्ता गेआ ऐ।

<><><><><><>

CS-Kheer Bhawani

मुख्य सचिव अटल डुल्लू होरें कल गांदरबल स्थित माता क्षीर भवानी मंदरे च जाइयै मत्था टेकेआ। दौरे दरान उनें औंदे क्षीर भवानी मेले लेई सुरक्षा ते होर दुइएं तैआरिं दी समीक्षा कीती ते सरबंघत अधिकारिं ते मेले सरबंघी मकामी हितधारकें कन्नै बी गल्लबात कीती। अधिकारिक जानकारी मूजब मेले गी पूरी चाल्ली सुरक्षत ते बवस्था आले ढंगै सिर तोड़ चाढ़ने लेई लोड़चदे सब्बै बंदोबस्त कीते जा करदे न। ऐकती एह मेला 3 जून गी शुरू होआ'रदा ऐ। ताई जम्मू थमां कश्मीरी मंडल समुदाय दे श्रद्धालुएं गी लेइयै कल 60एं बसें दा इक काफला कश्मीर घाटी लेई रवाना होआ हा, जिनेंगी रवाना करदे होई जम्मू कश्मीर रिलीफ कमीशनर अरविंद केरवानी होरें आखेआ.....

<><><><><><>

Yatris Welcome

तोआई गांदरबल दे डिप्टी कमीशनर जतिन किशोर होरें जम्मू थमां मुलमुला पुज्जने आले श्रद्धालुएं दा रिवायती ढंगै नै निगगर सुआगत कीता जेहड़े कल लग्गने आले माता क्षीर भवानी मेले च शामिल होने लेई उत्थें पुज्जे। उत्थें मजदूर अफसरें ते मकामी लोकें श्रद्धालुएं दा सुआगत उनेंगी हार पाइयै ते गुलदस्ते भेंट करियै कीता ते उंदी सुरक्षत ते सफल यात्रा दी कामना कीती। डीसी होरें इस मौके माता क्षीर भवानी मेले ते इस पवित्र अस्थान दा सांस्कृतिक ते आध्यात्मिक महत्व पर लोह पाई.....

तोआई रामबन जिले च बी जिला प्रशासन आस्सेआ घाटी जा'रदे श्री माता क्षीर भवानी दे श्रद्धालुएं दा सुआगत कीता। जिला विकास कमीशनर बसीर उन हक चौधरी होरें चन्द्रकोट थाहर श्रद्धालुएं दा सुआगत करदे होई आखेआ.....

<><><><><><>

Rana Delegation

जल शक्ति मंत्री जावेद अहमद राणा हुंदे कैप दफतर च कल केई शिष्टमंडल उनेंगी मिले ते जमीनी सतह दिएं केई दिक्कतें ते मुद्दे गी उंदे अगगे रखेआ। मंत्री होरें सब्बने दे मुद्दे गी धरोइयै सुनेआ ते जकीन दोआया जे उंदे हर जायज मुद्दे दा पैहल दी बिनाह पर नबेड़ा कीता जाग। इनें प्रतिनिधि मंडले च पुंछ थमां डेली वेजर, जेहड़े 2013 थमां कैम्पा स्कीम तैहत् लगगे दे न, बी शामिल हे, जिनें पक्का करने दी मंग उंदे अगगे रखी। किसान खिदमत घर पुंछ थमां इक शिष्टमंडल नै बी मंत्री होरें गी मिलियै खिदमत स्कीम लागत दी कसर पूरी करने लेई माली सहायता ते होर किश मुद्दे उंदे सामने रखे। कैप दफतर च मंत्री मकामी लोकें गी मिलियै उंदी दिक्कतें परेशानिएं गी जानने दी कोश्ट करदे न तां जे लोकें दिएं दिक्कतें दा नबेड़ा उंदे घरें कश गै होई जा।

<><><><><><>

PYC Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 ब'रें दे बश्कार ऐ ते ओह कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफतर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी जम्मू कश पंजीतीर्थी 15 जून 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Jammu Tourism

मैहकमा सैलसफा आसेआ अज्ज 2 जून थमां लेइयै औंदी 5 जून तोहड़ी जम्मू च 'स्टार्स इन द टाउन' दे बैनर हेठ केई सारे सांस्कृतिक ते समुदायिक कार्यक्रमें दा सरिस्ता कीता जा'रदा ऐ। इ'नें कार्यक्रमें दी शुरुआत अज्ज सतवारी दे आमंत्रण रिजार्ट च डोगरी व्यंजनें आहले इक उत्सव कन्नै होग। एह्दे अलावा अज्ज गै कटड़ा च कैडल मेमोरियल नांS दे इक कार्यक्रम दा बी आयोजन कीता जाह्ग जेह्दे राहें पहलगाम आतंकी हमले दे शहीदें, बन्ने पारा गोलाबारी दरान मारे गेदे लोकें ते भारती थेहारबंद बलें गी श्रद्धांजलि अर्पित कीती जाह्ग। एह्दे परैन्त कल 3 जून गी विश्व सैकल दिवस दे मौके उप्पर सैलानी थाहर पत्नीटॉप च इक कार्यक्रम लोआया जाह्ग जेह्दे राहें लोकें गी तंदरुस्त रौहने ते सेहतमंद जीन जीने दा स्नेहा दित्ता जाह्ग। मगरा 4 जून गी भद्रवाह च इक सांस्कृतिक संध्या दा आयोजन कीता जाह्ग जेह्दे च मुकामी कलाकार अपनी प्रस्तुतियां पेश करडन। एह्दे अगले ध्याड़े यानि 5 जून गी पत्नीटॉप च विश्व पर्यावरण दिवस दे मौके उप्पर बी कार्यक्रम दा सरिस्ता कीता जाह्ग। सैलसफा मैहकमे नै सब्भनें मुकामी बसनीकें ते सैलानिएं गी बी साददा दित्ता ऐ जे ओह् खित्ते दे बक्ख-बक्ख हिस्सें च करोआए जाने आहले इ'नें कार्यक्रम च बधी-चढियै शामिल होन।

<><><><><><>

Lavender Festival

भद्रवाह च जारी लवेंडर फेस्टिवल दा अज्ज दुआ ध्याड़ा ऐ। अज्जै दे मुख् कार्यक्रमें च लवेंडर दे खेत्तरें दे दौरे, फुल्लें थमां इत्र तैयार करने सरबंधी डिस्टिलेशन प्रक्रिया दा लाईव प्रदर्शन, खशबूदार उत्पादें आहली इकाइएं दे दौरे ते तकनीकी सत्र शामिल न। द'उं दिनें दे इस उत्सव दा उद्घाटन केन्द्री मंत्री डाक्टर जीतेन्द्र सिंह होरें कल कीता हा ते अज्ज एह् उत्सव संपन्न होई जाह्ग। एह्दा आयोजन, खित्ते च लवेंडर दी रड़ दी कामयाबी ते समर्थ दा जश्न मनाने दे मकसद कन्नै कीता जा'रदा ऐ। लवेंडर फेस्टिवल नै खशबूदार बूहटें दी रड़ आहले खेत्तर च मजूद मौके दे प्रदर्शन ते खित्ते दी राई-बाई आधारित अर्थबवस्था गी बढावा देने च खरी मती गिनतरी च करसानें, उद्यमिएं ते सैलानिएं गी आकर्षित कीता ऐ। इस सरबंधै च आकाशवाणी समाचार कन्नै गल्ल करदे होई सीएसआईआर – ट्रिप्ल आईएम जम्मू दे डरैक्टर जबीर अहमद होरें आखेआ

<><><><><><>

Viksit Krishi Rajouri

राई-बाई खेत्तर गी बढावा देने दी इक बड़डी पैहलकदमी दे तैह्त्त रम्भेआ गेदा विकसित कृषि संकल्प अभियान, करसानें गी इक्क ऐसा बधिया मंच उपलब्ध करोआ करदा ऐ जेह्दे राहें ओह् राई-बाई सरबंधी साईसदानें ते बक्ख-बक्ख मैहकमे दे अधिकारिएं कन्नै जुड़ी सकै करदे न।

इस अभियान दा मकसद राई—बाई सरबंधी अज्जै—कल्लै दिएं तकनीकें, सरकारी योजनाएं ते कृषि सरबंधी टिकाउ तौर—तरीकें बारै जागरूकता पैदा करना ऐ। इस अभियान दे तैहत् बन्ने आहले जिले रजौरी दे ढांगरी इलाके दे करसानें गी कृषि विज्ञान केन्द्र रजौरी ते होरनें मुतल्लका मैहकमें दे माहिरें कन्नै गल्लबात दा मौका थ्होआ जेह्दे राहें उ'नेंगी राई—बाई दे बेह्तरनीन तौर—तरीकें अपनाने च मदाद थ्होग।

<><><><><><>

IPL Cricket

आईपीएल क्रिकेट च जंदी रातीं अहमदाबाद दे नरेन्द्र मोदी स्टेडियम च होए दे दुए क्वालीफायर मुकाबले च पंजाब किंग्स नै 5 बारी दी जेतू मुंबई इंडियंस गी हराइयै फाईनल च थाहर बनाई लैती ऐ। मुंबई इंडियंस आसेआ दित्ते गेदे 204 रन्जें दे लक्ष्य दा पिच्छा करदे होई पंजाब किंग्स नै 19 ओवरें च गै 5 विकटें दे नुक्सान पर 207 रन्ज बनाई लैते। पंजाब किंग्स दी तरफा कप्तान श्रेयस अय्यर नै सब्भनें शा मते नाबाद 87 रन्ज बनाए। एह्दे शा पैहले मुंबई नै तय 20एं ओवरें च 6एं विकटें पर 203 रन्ज बनाए हे। इस जित्त दे कन्नै पंजाब किंग्स दी टीम हून फाईनल च पुज्जी गई ऐ जित्थे ओह्दा मुकाबला कल अहमदाबाद दे नरेन्द्र मोदी स्टेडियम च गै रॉयल चैलेंजर्स बेंगलुरु कन्नै होग। ध्यानजोग ऐ जे पंजाब किंग्स नै अजें तोह्ड़ी कदें बी आईपीएल दा खिताब नेई जित्ते दा ऐ।

<><><><><><>

Tiranga Cycle Rally

औंदे वियव साइकिज दिवस दे सिलसिले समाज च तंदरुस्ती गी बढ़ावा देने ते फिट इंडिया मुहिम गी लोकें तगर पजाने दे मकसद कन्नै कल जम्मू च इक तिरंगा साइकिल रैली दा सरिस्ता कीता गेआ। भारतीय खेड्ड प्राधिकरण आस्सेआ आयोजित रैली गी जम्मू कश्मीर खेड्ड परिषद दियें सचिव नुजहत गुल होरें झंडी दस्सियै रवाना कीता। रैली च नेहरू युवा केन्द्र, जम्मू कश्मीर साइकलिंग एसोसिएशन ते केई मकामी क्लबें दे सदस्यें हिस्सा लैता। रैली राएं ना छड़ा तंदरुस्ती ते कसरत दी जयरतै गी उजागर कीता गेआ सगुआं थेआर बलें दी दलेरी ते देशा दी सुरक्षा च उंदे योगदान गी बी चेता कीता गेआं प्रतिभागिं दा आखना हा.....

<><><><><><>